

¿K'AMAKURHIA MA JURHIANI JUCHAARI PLANETA? Nómbe, ju je exeni andi



!Tsinharhi!®

Vol. 5, Núm. 2 2023 TARASKANI

Rebista mámaru jásí formatu jimbo: 12,787,000
Jarhastiksí 252 idiomecha jimbo

Awake! is published quarterly by Watchtower Bible and Tract Society of New York, Inc.
© 2023 Watch Tower Bible and Tract Society of Pennsylvania.

Para MÉXICO KA CENTROAMÉRICA
Congregación Cristiana
de los Testigos de Jehová, A.R.
Apartado Postal 895
06002 Ciudad de México
México

Exentaakajtsí lista ma iámindu
direksionicha jingoni ixú
www.jw.org/tsz/nena-karani-o-uandani.

No uétarhisíndi sientifikueni para
exeni na enga xáni no sési úkua-
rhinchani jaka juchaari planeta.
Úsingachi exeni uánikua ambe jim-
bo komu itsiáruhu enga jindeeka
para itsimani, mariicharu, juátee-
cha ka selbeecharu ka ístu tarhia-
tarhu. ¿K'amakurhia ma jurhiani ju-
chaari planeta? Jarhasti ambe ma
engachi uaaka mintsikani. Exe je
nákiiskiksí.

Ambe enga jataka

ITSÍ ENGA JINDEEKA PARA ITSÍMANI	3
MARIICHA	6
JUÁTEECHA KA SELBEECHA	9
TARHIATA	12
Tata Diosí aiatspesíndi eska Echerirhu ménderu sési jándentaaka	15
Ini número rebisteeri !Tsinharhi!	16



¿Uékapirintsí eskaksíni nema
p'orhembepiringa o eskaksíni nema
jorhendapiringa Biblieri ambe?

Exe je www.jw.org

o karachejtsíni je ma indeni
direksionicha jimbo engaksí
karhakua jaka.

Ari publikasioni jindeesti para jorhenguahini Biblieri ambe, ka ánkikuarhita máesti enga úkuarhijka iámindu parhakpinirhu, jarhuatakuarhiparini imani sentabuni jimbo engaksí k'uiripuecha intspijka tsipikua jingoni. I publikasioni no ataranhantasíndi. Engajtsí uéjka intspini sáni sentabu, exe je pájinani donate.jw.org. Enga no karakata jauaka máteru ambe, Karakateecha engaksí Ebreu jimbo Karanhaka ixúksí p'itakata jarhasti La Biblia. Traducción del Nuevo Mundo, utusi jimbo. Ka Karakateecha engaksí Griegu jimbo Karanhaka ixúksí p'itakata jarhasti Biblia. Tata Diosíiri Uandakua. Para Imeecha engaksí Jimbanhi Parhakpinirhu Irekaaka. Mateu – Apokalipsisi.

¿K'AMAKUARHIA MA JURHIANI JUCHAARI PLANETA?

ITSĪ ENGA JINDEEKA PARA ITSĪMANI



Enga itsĭ no japiringa, no úpirindi jarhani tsípikua ka sánderia enga no japiringa itsĭ enga úpiringa úrakuarheni. lámu ambe enga tsípiti jaka úsĭngachi irekani itsĭ jimbo. Enga no japiringa laguecha, iurhekuecha, k'uiripuechachi ka animalicha, nóchi jatsipiringa itsĭ parachi itsĭmani, ka nochi úpirini jatsikuani plantechani.

¿Niára k'amakurhini itsĭ engachi újka úrani?

Nájkiruka echerirhu sánderu kánikua itsĭika, Organización Meteorológica Mundial uandasĭndi eska “menos de 1% jarhaska itsĭ parhakpinirhu para itsĭmani”. Sanititu itsĭisti peru andangusĭndi paraka uaaka jarhani tsípikua. Joperu itsĭ enga jaka kánikua kontaminadu jarhastia ka kánikua úkua jukasĭndi para ma úni niárani jatsini. I ambe jindeesti jimboka mójtakurhixaka klima ka jimboka sánderu ka sánderu úrakuarhexaka itsĭ. Ima engaksĭ itsĭiri ambe exejka, uandasĭndiksĭ eska ma 30 uéxurhini jimbo 5,000 miĭoni k'uiripuechaksĭ nóteru jatsiakia itsĭ paraksĭ itsĭmani.

Juchaari parhakupini: úkata jarhasti para jarhani tsípikua

Parhakupini úkata jarhasti paraka méntkisi jauaka itsi para iáminduecha. Uánikua ambe jarhasti enga jarhuatajka itsini engachi úrajka komueska echeri ka ístu animalicha engaksi itsiarhu jatameka ka ístu jurhiata iá-mindu i ambe úsindi eska itsi pímbinhasi jauaka. Ju je exeni máru ambe enga xarhatajka eska juchaari parhakupini úkata jarhaska para jarhani tsípikua:

- Xarhatanastia eska echeri úsinga eska itsini ambanharintaaka na uéjki xáni kontaminadu jarhani. Pori ejemplu, máru itsicharhu jatamesíndiksi máru plantecha ka antsitasíndiksi nitrógenuni, fósforuni ka kimikuechani.

- Sientífikuechaksi exestia eska itsini úsinga jandiajku ambanharintani enga kontaminadu jarhajka. Enga itsi iorheni jarhajka úsindi eska nóteru xáni kontaminadu jauakia, mikroorganismuechaksi kénditasindi iámu kontaminasionini.
- Almejecha ka mejiionicha engaksi itsiarhu jatamejka úsíndiksi máru jurhiatikuecha jimbojku antsitani imani kimikuechani engaksi xáni no sési úkujka itsini, ka jamberiksi sánderu sóntku újti eska makina ma enga itsini sési jájkuntajka.
- Juchaari parhakupinirhu no méni k'amakurhisindi itsi indeni jimbo enga úkuarhijka enga arhinhajka ciclo del agua. Ini ambe jimbo enga úkuarhijka úsindi eska itsi no méni k'amakurhiaka.

¿MÍTESPIJTSÍ?

Echeri: úsindi eska itsi ambanharhiaka

Echeri úsindi kénditani imani ambe enga no sési úkuni jarhajka itsini. Komueska tiámu enga itsiarhu jatamejka o kimiku ambe ka ístu máteru ambe enga kontaminarhijka itsini. Enga itsi níarajkia jima enga arhinhajka mantu acuíferu, níarasindi xáni ambanharini enga jamberi ma úpiringa itsimani.

Filtru ma

Kutsari ka tsakapu sapiratiichaksi ísíisti komueska tsararakua ma engaksi újka antsitani máru ambe engaksi kontaminarhijka itsini.

Filtru biolójiku

Echerirhuksi jarhasti mikroorganismuecha engaksi újka antsitani imani ambe enga no sési úkujka k'uiripuni. Ístuksí jarhasti bakteriecha engaksi xerentajka aseitini engajtsini no sési úchijka ka iichaksi úsindi dióxido de carbonu ka itsi.

Filtru kímiku

Enga echeri jukajka sanititu eléktricidadadi, inde ambe úsindi antsitani sustansiechani enga jindeeka kímiku ka engajtsini no sési úchijka. Pori ejemplu, jarhasti kutsari enga kánikua sapinharihika ka enga jukaraka energia negativa ka enga újka itsiarhu kénditani amoniuni enga karga positiba jukaka ka engajtsini no sési úchijka.



NA ENGA ITSÍ
AMBANHARHINTAJKA

ITSÍ AMBANHARHI
MANTU AKUIFERURHU

Ambe engaksĩ úni jaka para sési peentani

Imeecha engaksĩ itsĩiri ambe exejka uandasĩndiksĩ eskachi no jatsiska para ísku tsĩtani itsĩni. Ístujsĩni arhisĩndi parachi no xáni kontaminarini, eskachi jatsiska para jatsintani karruni ma enga aseiti tsĩtani jauaka, ka eskachi no jámaaka k'uanikuni medikamentu ambe baniurhu ka ístu eskachi no jámaaka tsĩtani toksiku ambe drenajirhu.

Máru ingenieruechaksĩ ústia máru ambe paraka marirhu anapu itsĩ no itumeaka ka ísí k'uiripu úni úrani ini itsĩni.


Nájkiruka xáni jánguarhinhantani jaka itukua p'ikuntani marirhu anapu itsĩni, no káni marhuaxati jimboka kanikua sentabu úrakuarhesĩnga ka ístu kánikua lusi. Uéxurhini 2021 jimbo, Naciones Unidas ísí uandaspti itsĩiri ambe: “Jatsiskachi para sánderu jánguarhintani paraka uaaka itsĩ jarhani iámu parhakpinirhu”.

Jarhasti ambe ma engachi uaaka mintsikani. ¿Ambe uandasĩni Biblia?


“Tata Diosĩ [...] úsĩndi eska itsĩ suanda úkuarhintaaka para karhancheni; janikua tánguarhintasĩndi; Tátsekua, nubicharhu uératini ueenasĩndi janini” (JOB 36:26-28).

Tata Diosĩ kueraasti echerirhu ma ambe enga arhinhajka ciclo del agua paraka no méní k'amakurhiaka itsĩ parhakpinirhu (Eclesiastés 1:7).

Eratsenta je ini ambe: enga Tata Diosĩ úka ambe ma paraka itsĩni jandiajku ambanharintaaka, uaakachi seguru jarhani eska Tata Diosĩ Jeoba uékaxaka ka eska jatsiska uinhapiku para imani ambe sési peentani engaksĩ k'uiripuecha no sési úkuni jaka echerini. Exe je artikuluni “Tata Diosĩ aiatspesĩndi eska parhakpinirhu sési jándentaaka” enga pájina 15 jimbo jaka i rebisteeri.



Engachi arreglarintaska karruni ma enga aseiti tsĩtajka ka engachi jima peerajka kímiku jatakuani ambe na ni engachi jatsika para peerani, úni jarhasĩngachi eska itsĩ no xáni kontaminadu jauaka.



PARAJTSĨ SÁNDERU AMBE MÍTENI.

Itsĩ kánikua ambakiti ambe jukasti jimboka úsĩnga eska níaraka jarhani tsĩpikua. Exe je bideuni enga jw.org jimbo jaka *Xáni ambakiti kueraakata ambe, xarhatasĩndi na enga xáni k'éri ambeka Tata Diosĩ: Itsĩ.*

¿K'AMAKUARHIA MA JURHIANI JUCHAARI PLANETA?

MARIICHA



Georgette Douwma/Stone via Getty Images

MARIICCHARHU uérasíndi kánikua t'irekua engachi jucha arhajka, peru ístu jima uérasíndi uánikua ambe para medicina únhani. Ka úsíndi jukari terujkani tarhiatani engi i echeri uétarhinchajka ka úsíndi antsitani iámu karbonuni engi k'uiripu újka eska jauaka. ¡Ka no i ambejkuesti! Mariichaksí úsíndi eska klima sési jauaka.

Mariichaksí peligrurhu jarhasti

Enga klima ísí mójtakurhini jaka, no sési úkua-síndi arresifesi de koralichani, krustasiuchani ka mámaru ambeni engi marirhu irekaka. Masi o menusi 25 % animalicha engaksí marirhu irekaka, ká-nikuaksí marhuatasíndi arresifesi de koralichani. Ka seguni eskaksí na uandajka máru sientifikuecha, 30 uéxurhini jimbo úpirindiksí k'amakurhini iá-mindu arresificha.

Imeecha engaksí mítekuka iiri ambe, uandasíndiksí eskaksí uánikua miioni animalicheeri engaksí marirhu irekaka, uarhisíngaksí mándani uéxurhini jim-bokaksí plástiku arhasínga, ka eskaksí 90 % ima animalicheeri engaksí kárajka ka engaksí marirhu jámajka, arhaskaksia plástiku.

Uérhini 2022 jimbo, António Guterres eng a jin-deeka secretario general de las Naciones Unidas, uandaspti: “Nóchi kánikua jukaparharaska mariichani ka iásĩ ji úpiringa uandani eskaksĩ ‘mariicha kánikua peligrurhu jarhaska’”.

Juchaari parhakpini: úkata jarhasti para jarhani tsípihua

Mariichaksĩ úkata jarhasti paraksĩ méntkisi limpiu jarhani ka sési, joperu i ambe úkuarhisĩndi engaksĩ k’uiripuecha no kontaminarini jauaka. Libro eng arhinhajka *Regeneration: Ending the Climate Crisis in One Generation* uandasĩndi eng kuájchakunhajka ma parti marirhu paraksĩ fabrikecha no kontaminarini, “ima úsĩndi méntkisi limpiarikuarini jarhani”. Ju je exeani máru ejempluechani:

- Fitoplancton eng kánikua sapichitu ambeeka arhasĩndi ka patsasĩndi dióxido de carbono, i gasi

jindeesti eng sánderu újka eska echeri sánderu jorhepiaka. Fitoplancton sáno májkueni antsita-sĩndi dióxido de carbono eska p’ukuricha ka máteru jásĩ anhatapuecha engaksĩ echerirhu jaka.

- Jarhastiksĩ mikroorganismuecha engaksĩ arhajka kurucheechani engaksĩ uarhijka, ka ísĩksĩ úsĩndi eskaksĩ mariicha no kontaminarikuarhiaka. Tátsekua máteru animaliiicha engaksĩ marirhu jarhajka, auantasĩndiksĩ ini mikroorganismuechani. Seguni pájina internetiri eng mariiri ambe uandajka eng arhinhajka Smithsonian Institution, “i ambe marhuasĩndi parakaksĩ maricha méntkisi limpiu ka sési jauaka”.
- Uánikua animaliiicha engaksĩ marirhu irekaka ka ambe engaksĩ xáni arhajka, marhuasĩndi para úni eska itsĩ eng asidueuaka eng marirhu jaka niá-raka itsĩ alkalina úkuarhini, eng sánderu marhuajka ka eng no no sési úkuajka koralichani, krustásiuchani ka máteru ambe eng marirhu irekaka.

¿MÍTESPIJTSÍ?

Pákuecha engaksĩ marirhu inchamekuarhu jaka ka engaksĩ újka eska mari sési jauaka

Pákuecha engaksĩ marirhu inchametini jaka, úsĩndi eska jima pakaraka uánikua ambe ka úsĩndi eska marirhu kėtsekua chopendiaka. Íksĩ pákuecha úsĩndi eskaksĩ koralicha no xáni p’amenchaaka ka eskaksĩ plaiecha sánderu sési jauaka, jimbokaksĩ úsinga eskaksĩ oleecha no xáni k’éaka ka eskaksĩ no xáni kutsari antsitaaka.

Oleechaksĩ nóteru xáni k’éasĩndia ka nóteruksĩ xáni uinhamu nirasĩndia.

Atsĩmu kėtsekua nirasĩndi ka jima pakarasĩndi.

Itsĩ eng paiarhu niárajka sánderu ambanharhisĩndi ka nóksĩ xáni uinhamu nirasĩndi oleecha.

Kurhucheecha ka mámaru járhati animaliiicha engaksĩ marirhu jatameka exentasĩndiksĩ t’irekua ka úsĩndiksĩ eska iámindu ambe sési jauaka marirhu.

Ambe engaksĩ úni jaka para sési peentani

Enga basura no niárapiringa mariicharhu, no méni uétarhipirindi limpiariuani. Jimboksĩĩ imeecha engaksĩ mítekuka iiri ambe uandajĩ eskachi úrauaka bolsechani ka jatakuechani engaksĩ uaaka ménderu úrakuarheni ka no plastikueri engaksĩ ma xanharku úrakuarhejka.


Peru uétarhisindi máteru ambejtu úni. Jimboka nótki xáni ióniska enga ma grupu enga ekologieri ambe exejka, ma uéxurhini jimbo niárapka 8,300 tonelada basura tánantani plaiarhu enga mari petamantapka 112 paisiicha jimbo. Ka i sántku ambeesti iámu inde basura jingoni enga mándani uéxurhini tánguarhijka marirhu.

Mariicheri ambe uandaparini rebista *National Geographic* uandasĩdi eska “enga itsĩ xáni asidu jukakia no uaaka mójtakurhini”. Ka uandasĩdi eskaksĩ marirhu anapu animalicha ka máteru ambe engaksĩ jima irekaka “nóksĩ úsĩnga limpiu jatsini marini jimbokaksĩ k’uiripuecha úrasinga aseiti, gasi ka karbonu jimbokaksĩ i no xáni jukaparhaska”.

Jarhasti ambe ma engachi uaaka mintsikani ¿Ambe uandasĩni Biblia?

“Echeri uinirixati iámindu ambe jingoni engari t’u kueraaka. Jimini jarhasti mari, enga xáni k’éka ka xáni kóskani, uinirixati animali tsípitiicha engaksĩ no újka miiukuarhini sapirhaticha ka k’ératicha” (Salmo 104:24, 25).

Juchaari kuerajpiri ústi marini paraka uaaka jan diajku limpiarikuarhini. Eratsenta je ini ambe: engu kuerajpiri sési míteka ini ambe, ka iámindu ambe engu jima jaka, ¿míti ima, ambe engu kueratajka paraka mari ménderu sési jauaka? Exe je artikulu ni “Tata Diosĩ aiatspesĩdi eska parhakpinirhu sési jándentaaka” engu pájina 15 jimbo jaka i rebisteeri.



Engachi úrani jarhajka bolsechani ka boteiechani engaksĩ ménderu újka úrakuarheni jarhuajpenchi jauaka paraka no xáni plástiku jauaka marirhu.



PARAJTSĨ SÁNDERU AMBE MÍTENI. Mariicharhu jarhastia ambe ma engu káni kua marhuajka para limpiariuani kas kuechani engaksĩ barkuecha kétésekua jukajka. Ni je jw.org jimbo ka arhinta je artikuluni “La piel del calderón o ballena piloto”.

JUÁTEECHA KA SELBEECHA



JUÁTEECHANKSĪ arhiasĭndi eskaksĭ jin-deeska *Echeriri pulmoni*, ka ísĭisti jimbo-kaksĭ kánikua jukaparhakueska paraka tsípikua jauaka. Anhatapuechaksĭ antsita-sĭndi gasi ma engajtsĭni juchantsĭni no sési úchijka, dióxido de carbonu, ka oksigenuksĭ úsĭndi engachi jucha uéta-rhinchajka para jirejtani. Ma 80% enga sánderu xuxunhandeka ka animaliihaksĭ jarhani, jindeesti juáteecha ka selbecha jimbo. Ka enga i ambe no japiringa nóchi úpiringa irekani.

¿Niáráksĭ k'amakurhini juáteecha ka selbeecha?

Paraksĭ sánderu uánikua echerichani jatsiani paraksĭ tarheni, mándani uéxurhinksĭ miioni jimbo ch'apanhasĭndi anhatapuecha. Últimu 75 uéxurhini jimbo, xánkxsĭ uánikua anhatapuechani ch'apaastia, engaksĭ terujkani selbechani engaksĭ interu parhakpinirhu jaka, nóteruksĭ jarhastia.

Méntkisi enga k'amakurhijka juáta ma, ís-tuchi tsítasinga iámindu imani ambe engajtsĭni juáteecha íntskujka.

Juchaari parhakupini: úkata jarhasti para jarhani tsípikua

Ískujsíni pakatasíndi na engaksí ima juáteecha enga iámu ch'apanhapka, niárajka ménderu jarhani anhatapuecha ka máteru ambe. Ekologis-techaksí niárásti ísku pakarani ini últimu jurhiatikuecha jimbo, engaksí exeka na enga xáni sóntku tsikintajka ambe ma juáteecharhu, astaksí niáráni k'éráti anhatapuecha jarhani. Ju je exeani máru ejempluechani:


- Máru inbestigadorichaksí existi ambe enga úkuarhijka juáteecha jingoni engaksí ch'apanhajka paraksí tarheantani ka engaksí tátsekua niárajka ísku jurajkuani. Exenhasti eska 2,200 echericheri engaksí América ka África Occidental jaka, xarhataśíndiksí eskaksí echericha 10 uéxurhini jimbo, ménderuksí úśíndi sési jarhania parakaksí uaaka ménderu anhatapuecha jarhani.
- Rebista *Science* uandasíndi, eskaksí inbestigadoricha exesínga eska ma 100 uéxurhini jimbo íśí, echerichaksí úśínga ménderu sési jarhani paraka mámaru jáśí anhatapu ka animaliiicha ambe jauaka juátarhu nájkirukaksí k'uiripuecha no jarhuajpeaka.
- Brasil, grupu ma sientifikuecheri apenasi terukutantasti na enga xáni ióndajka sési niántani selbeeche engaksí k'uiripuecha no jarhuajpeka ka engaksí xáni ióndajka ménderu sési jarhani imani selbeeche jingoni engaksí k'uiripuecha jatsiantajka anhatapuechani.
- Rebista *National Geographic* uandasíndi iiri ambe eskaksí inbestigadoriicha ísku pakaraspka engaksí exepka eska nájkirukaksí no jatsiantapka anhatapuechani sinko uéxurhini jimbojku, ima juáteecharhu ménderu niárasptiksí uánikua anhatapuecha jarhani engaksí jimeesíśí jukajka.

¿MÍTESPIJTSÍ?

Juáta ma úśíndi ménderu jarhani

Engaksí ch'apajka anhatapuechani paraksí tarheni joperuksí tátsekua jurajkuni indeni echerini, inde echeri úśíndi ménderu jandiajku úni eska mámaru jáśí anhatapu ambe andaraaka. Májkueni ambe úkuarhisíndi imani juáteecha jingoni engaksí máteru ambe jingoni k'amajkunhajka.

Echeri ma enga iámu ambe ch'apanhaka para tarhenhane ka engaksí tátsekua ísku jurajkuka.



Ambe engaksí úni jaka para sési peentani

lámu parhakupinirhu exenhaxati néna engaksí jámaaka paraksí kuájchakuani juáteechni ka ístu parakaksí ima juáteechni engaksí ch'apanhaaka ménderuksí uaka anhatapuecha jarhani. Naciones Unidas uandantasíndi eska indeni jimbo engaksí jánguarhintani jaka kuájchakuani juáteechni, último 25 uéxurhini jimbo, jukari terujkani jamberi, nóteru xáni ch'apanhastia anhatapuecha interu parhakupinirhu.

Joperu uétarhisíndi sánderu ambe úni. Jimboka organización Global Forest Watch uandasíndi, eska-ksí juáteechni ka selbecha mājkueni seguirixaka k'amakurhini ini último uéxurhiniicha jimbo.

K'éri negosiu máesti ch'apaani anhatapuechni para ataraantani ka inde ambesí k'amajkuani jati selbechni ma parhakupini.


Jarhasti ambe ma engachi uaka mintsikani. ¿Ambe uandasíni Biblia?

“Jeoba*úspti eska japiringa mámaru jásí ambakiti anhatapuecha para exeani ka paraksí úni akuní”(GÉNESIS 2:9).

Tata Diosí Jeoba Kuerajpuri uaasti juáteechni parakaksí méntkisí jauaka nájkirukaksí k'uiripuecha ch'apauaaka anhatapuechni paraksí marhua-tani. Nájkiruka ísí úkuarhijka ima uékasíndi eska-ksí juáteechni seguiriuaka jarhani ka ístu uékasíndi kuájchakuni iámindu ambeni enga jima jaka.

Biblia jorhentpisíndi eska Tata Diosí no jurajkuaka eskaksí k'uiripuecha seguiriuaka k'amajkuani juáteechni sentabu jimbo. Ima no jurajkuati eskaksí k'amajkuaka ini planetani ni imani ambe enga jima jaka. Exe je jorhenguarhikuani “Tata Diosí aiatspe-síndi eska parhakupinirhu sési jándentaaka” enga pájina 15 jimbo jaka i rebisteeri.

* Tata Diosíiri nombri jindeesti *Jeoba* (Salmo 83:18).



Jarhastiksí grupuecha engaksí sési mítekuka néna kuidarini juáteechni ka engaksí jarhuapijka parakaksí máteru juáteechni mājkuenisí jauaka



PARA SÁNDERU AMBE MÍTENI. ¿Andichisí uaa seguru jarhani eska na uéjki-ksí k'uiripuecha ch'apani juáteechni nóksí uaka k'amajkuani juchaari planetani? Incha je pájinarhu jw.org ka exe je bideuni ¿Andisí kueraa Tata Diosí Echerini?

¿K'AMAKUARHIA MA JURHIANI JUCHAARI PLANETA?

TARHIATA



UÉTARHINCHASİNGACHI TARHIATANI, peru no solu para jirejtani. Tarhiata kuájchakusİndi juchaari planetani paraka tsánda no no sési úkuaka. Ístu, engu no japiringa tarhiata kánikua ts'i-rakuarhipirindi iámu parhakpinirhu ka niárapiringachi k'uánhapintani.

Tarhiata kontaminarikuarhixati

Tarhiata kontaminarikuarhixati ka uaati kánikua no sési úkuni imani ambe engu tsípiti jaka Echerirhu. Organización Mundial de la Salud exesti eska solu 1% iámu k'uiripuecheri ma parhakpinirhu jirej-taxati sési jási tarhiata.

Engu tarhiata kontaminarikuarhijka úsİndi úni eskaksİ k'uiripuecha kánseri p'iuaka pulmonirhu o eskaksİ niáraaka p'amenchakua ambe jatsiani engaksİ úkua jukanchaaka jirejtani o mintsitarhu o benecharhu. Ístu, mándani uéxurhini, i jási kontaminasioni úsİndi eskaksİ ma siete miioni k'uiripuechaksİ sánderu no ióni irekaaka.

Juchaari parhakupini: úkata jarhasti para jarhani tsípikua

Juchaari planeta úkata jarhasti paraka méntkisi jauaka sési jási tarhiata engaksi uaaka jirejtani iámindu imeecha engaksi tsípiti jaka. Peru inde ambe solu úsindi úkuarhini engaksi k'uiripuecha no xáni kontaminarhijka planetani. Ju je exeani máru ejempluechani:

- Mítekateesti eskaksi juáteecha úkata jarhaska parakaksi kánikua dióxido de karbonu antsitaaka. Peru ambe engu uánikua k'uiripu no míteka jindeesti eskaksi anhatapu manglaricha engaksi kostecharisi jaka engu kánikua itsi jaka sánderskisi sési úsindi indeni ánkikuarhitani. Jimboksisi xáni jukaparhakueti jimbokaksi úsinga asta sinko uelta sándersu dióxido de karbonu antsitani eska selbecha.
- Ini jurhiatikuechani jimbo exenhasti eskaksi máru makroalgasi, komu ima engu arinhajka quelpo o *kelp*, no soluksi jupikasindi dióxido de karbono.

nuni, sino eskaksi istu inchaskusinga. Quelpueri chkurhichaksi úsindi iauani isi biajariini jimbokaksi bolsa sapirhatini járhati jukarhikuarheska engaksi gasi jataka ka inde jarhuatasindi parakaksi no inchamiaka. Engaksi na iauanisi nirajkia itsirhu inde bolsa sapirhatiichaksi charasindi ka tátsesua ueenasíndiksi inchameni astaksi andarhierani marirhu ka jiniksi jurajkusindi dióxido de karbonuni uánikua uéxurhiniichani jimbo.

- Imani tiempu jimbo engu no xáni uéranhapka jimboka COVID-19 jarhaspka, xarharasti eska juchaari atmósfera úsinga jandiajku sési niántani. Jimboka 2020 jimbo uánikua fábrikechaksi no ánkikuarhispti ka istu nóksi xáni jámaspti karruecha ka indeni ambe jimbo tarhiata nóteru xáni kontaminarikuarhisptia. Eska na uandajka Informe mundial sobre la calidad del aire 2020, jukari 80 % ima paisicheri engu exenhapka tarhiateri ambe, exesptiksi eska tarhiata nóteru xáni kontaminadu jarhaspka.

¿MÍTESPIJTSÍ?

Atmósfera úsindi ménderu jandiajku sési niántani

Engu COVID-19 japka, tarhiata kánikua kontaminadu jarhaspti fábrikecha ka karruecha jimbo Nueva Delhi (India), peru tátsekuu niáraspti nóteru xáni kontaminadu jarhania. Kánikua sapichitu ambe engu tarhiata jamka nóteru xáni jámasireendia (PM_{2,5}). Mikropartíkulecha (0,0025 milímetrosi o menuisi) inde ambe úsindi eska ma niáraaka indeni p'ámenchakuechani p'irani engu ma no újka jirejtani o máteru járhati p'ámenchakuecha. Nájkiruka kontaminasioni maratku kéndikupka, xarharasti eska atmósfera úsinga sóntku sési niántani ka nóteru xáni kontaminadu jarhania.




Kasi uérapanisiia
uéxurhini 2019



Engu COVID-19
japka

Engaksi partíkuleecha sési japka (PM_{2,5}) tarhiatarhu Nueva Delhi Eneu a Septiembri de 2020



Eska na uandajka Informe mundial sobre la calidad del aire 2020.

Ambe engaksĩ úni jaka para sési peentani

Juramutiichaksĩ kurhakuaxati fábrikechani parakaksĩ nóteru xáni kontaminariuakia ka sientifikuechajtuksĩ exekuntaxati na engaksĩ jámaaka paraka kontaminasioni no no sési útspiaka. Pori ejemplu, úraxatiksĩ mikroorganismuechani engaksĩ mójtakuntajka kontaminasionini parakaksĩ no no sési útspiaka. Ístu, imeecha engaksĩ sési mítekuka kontaminasioniri ambe, uandasĩdiksĩ eska sánderu sésiiska eskachi xanharaaka o eskachi bisikleta jimbo niuaka nani ka nóteruchi xáni úrania karruni ka eskachi jánguarhintaaka no xáni úrani enerjiani k'umanchikuarhu.

Peru no inde ambejkusĩ uétarhijti. Ísĩ uandasĩdi aianhperakua ma engu 2022 jimbo uéraka ima ofisinecharhu uératini engaksĩ ma parhakpinirhu ambe exejka komu Organización Mundial de la Salud ka el Banco Mundial.

I aianhperakua xarhataĩndi eska 2020 jimbo, ma tersa parti ma parhakpiniiri úmanhantasĩreendi imani ambe úraparini engu tarhiatani kontaminarijka. Uánikua lugariicha jimbo, nóksĩ úsĩdi jimbanhi estufechani jatsiani o imani ambe úrani engu no xáni kontaminariuaka.

Jarhasti ambe ma engachi uaaka mintsikani ¿Ambe uandasĩni Biblia?

“I ambesĩ uandajti Tata Diosĩ Jeoba engu jurhimbitiika, ima engu kueraaka auandani [...], ima engu kueraaka echerini ka ambe engu xáni jimini andarajka, ima engu tsípikua íntskuajka imeechani engaksĩ echerirhu irekaka” (ISAÍAS 42:5).

Tata Diosĩ kueraasti tarhiatani ka sikluechani engaksĩ újka eska jandiajku pĩmbinhasĩntaaka. Ístu, imeeri uinhapikua no mēni k'amakurhisĩndi ka kánikua xénchasĩndi k'uiripuechani. Ísĩ jimbo, ¿chá eratsesĩni eska Tata Diosĩ ísku pakaraaka ka no ma ambe úni tarhiatani jimbo engu kontaminarikuarhini jaka? Exe je jorhenguarhikuani “Tata Diosĩ aiatspesĩndi eska mēnderu sési jándentaaka”.



Engachi bisikleta jimbo jámajka nóchi xáni kontaminarini jarhasĩnga



Uánikua juramutiichaksĩ intsikurhiasĩndi k'uiripuechani kosinechani ka estufechani paraksĩ nóteru xáni kontaminarinia tarhiatani. Joperu uánikua k'uiripuechaksĩ no úsĩndi indeni ambe jatsini



PARAJTSĨ SÁNDERU MÍTENI.

¿Néna niáraski jarhani atmósfera?
Incha je jw.org jimbo ka exe je bideu
¿Kueraanhaski unibersu?



Tata Diosi aiatspesindi eska parhakpinirhu sési jándentaaka

“Echeri úsindi jandiajku sési
niántani”.

I ambesi uandapti grupu ma engaksi inbestigadoriika interu parhakpinirhu na enga mójtakurhini jaka klima. Engajtsi chá eratsejka eska jarhaska Kueraajpiri ma ka eska uandanhiasinga juchantsini jimbo, jamberi i ambe engaksi sientifikuecha uandapka újti eskajtsi chá eratsentaaka iámin-du imani ambe enga Tata Diosi úka paraka Echeri uaaka jandiajku sési niántani.

Peru k'uiripu xáni no sési úkuxati Echerini, enga inde ambe enga Tata Diosi jatsikuka paraka úpiringa jandiajku sési niántani nóteru xáni marhuaxatiia. ¿Andichisi uaa seguru jarhani eska Tata Diosi uaaka ambe ma paraka Echeri sési niántaaka ka paraka seguiriuaka irekanhani ixú?

I Bibliarhu anapu tekstuecha engaksi ini rekuadru jimbo jaka, xarhatasíndiksi eska Echeri no méni k'amajkunhaaka ka eska méntkisi irekanhaaka.

Tata Diosi kueraasti juchaari Echerini.

“Ueenakuarhu, Tata Diosi kueraasti auandani ka echerini” (Génesis 1:1).

Tata Diosiiristi Echeri.

“Tata Diosi Jeobaeriisti* echeri ka istu ambe enga xáni echerirhu jaka” (Salmo 24:1).

Tata Diosi ústi Echerini paraka no méni k'amajkunhaaka.

“Ima, sési uaxastasti echerini; no méni manata-nhaati jima jauati para méntkisi (Salmo 104:5).

Tata Diosi aiatspesindi eska Echerirhu méntkisi irekanhaaka.

“Tata Diosi enga sési jimboeka, Ima enga úka echerini, [...] enga no ísku kueraaka sino paraka irekanhapiringa (Isaías 45:18).

Tata Diosi aiatspesindi eskaksi k'uiripuecha méntkisi irekaaka Echerirhu

“Echeri jurhimbitcheriuati, ka jimaksi irekaati para méntkisi” (Salmo 37:29).

Indeni ambe jimbo enga Tata Diosi jatsikuka Echerini paraka jandiajku sési niántaaka, echeri úpirindi sési jarhani engaksi k'uiripuecha no xáni kontaminarhipiringa Echerini. Eska na uandajka Bibliarhu anapu profesiecha, Jeoba uaxastastia jurhiatikua para k'amajkuni imani ambe ka imeechani engaksi xáni no sési úkuni jaka Echerini (Apokalipsisi 11:18).

Biblia aiatspesindi eska enga i ambe úkuarhiaka, Tata Diosi sési jájkuntaaka Echerini, eska paraису ma úntaaka ka istu eska mítaaka imeeri jájkini ka ‘eska íntsauaka ambe engaksi uéтарhinchajka imeecha engaksi tsípiti jaka’ (Salmo 145:16).

* Tata Diosiiri nombri jindesti Jeoba (Salmo 83:18).



Oleh Slobodniuk/E+ via Getty Images

Ini númeru rebisteeri ;*Tsínharhi!*

Juchaari echeri peligrurhu jarhasti.

¿Ambe úkuarhia juchaari parhakupini jingoni?
¿Enga k'amajkunhaska echeri juchajtuchi k'amajkunha? Ini jorhenguarhikua jimbochi exeaka ambe engu úkuarhini jaka juchaari Echerini jingoni ka sini jarhaski ambe ma engachi uaaka mintsikani.

¿Ambe úkuarhia sánderu orhepatini imani ambe jingoni engu echerirhu jaka?

- Itsi engu jindeeka para itsimani
- Mariicha
- Juáteecha ka Selbeechea
- Tarhiata



Xuanyu Han/Moment via Getty Images

PARAJTSÍ SÁNDERU AMBE MÍTENI.

Uánikua k'uiripuechaksi seguru jarhasti, ísi eska na arhijka Biblia, eskachi sánderu orhepatini tsípikua jingoni irekuarhiaka ka para méntkisi. *Incha je jw.org ka exe je bideuni ¿Andichisi úa mintsikani eska Biblia jurhimbítu uandasinga?*



Késku je gratisi
ini rebistani ka
engaksi antesi
uébaka



Arhinta je Bibliani
internetirhu;
Jarhastiksi jukari
200 idiomeecha
jimbo

Exe je pájina
jw.org internetirhu
o eskaniari je ini
kodiguni



923.1-TFS
230915